

擬古樂府序

樂者聖王治情之具也夫人有血氣生知之性而無喜怒哀樂之常感物而動心術形焉若樂記所云聖王慎所以感之者乃調之以律度文之以歌頌蕩之以鐘石播之以絃歌使之陽而不散陰而不集剛氣不怒柔氣不攝由是可以滌性靈可以祛怨思施之於邦國則朝廷序施之於郊廟則神祇格施之於宴享則君臣和施之於戰陣則士民勇進攷三五之代世有厥官

若瞽宗大司樂之屬典者自卿大夫師瞽以下
皆選有道德之人朝夕習業以教國子國子者
卿大夫之子弟也故舜命夔曰女典樂教胄子
是已殷紂葉其先樂廼作淫聲以說婦人樂官
師瞽抱其器而奔散或適諸侯或入河海至秦
秋時雅樂在魯招樂在齊是故季札有其盛衰
加之嘆孔子彫不圖至斯之語周道欲懲刺興
王澤竭而詩不作王官失業雅頌參錯孔子論
而定之故曰吾自衛反魯然後樂正雅頌各得

其所是時周室大壞諸侯恣行設兩觀乘大輅
晉臣管仲季氏之徒三歸雍徹八佾舞庭王制
廢廢凌夷而不返棄間濮上鄭衛宋趙之聲並
出內則導懿戕生外則蠹政傷民秦穆遺戎而
曰余去齊人餽魯而孔子行有由然也聖王治
情之具十失八九迨至六國魏文侯最爲好古
乃聽古樂則歆寐聞鄭衛則不知倦子夏辭而
辨之卒不相入嗣是淪胥以亡極矣漢興樂家
有制氏以雅樂聲律世守其官但能紀其鏗鏘

鼓舞而不能言其義叔孫通夏侯寬各有發明
大抵皆襲秦舊難語復古初高祖既定天下過
沛與故人父老相樂酒歡作大風之歌令沛中
僮兒百二十人習而歌之識者議其伯心之猶
存孝惠時以沛宮爲原廟遂令歌兒習吹以相
和常以百二十人爲員文景之間樂官肄業而
已武帝定郊祀之禮祠太一於甘泉祭后土於
汾陰乃立樂府采詩夜誦有趙代秦楚之謳以
李延年爲協律都尉舉司馬相如等數十人造

爲詩賦畧論律呂以合八音之調夜感神光之
應歡動竹宮之拜祠官數百肅然動心可謂盛
矣自茲以降文人學士擬而作之代不乏人或
踵襲故常或迷贅本義支離無當觀者憎厭縱
有所發亦不免曲終奏雅之誚唐李太白天才
雋逸而題與義各仍其舊張籍王建以下無議
焉元楊廉夫力去陳俗比之聲調或不暇恤噫
此樂府之學久廢而作者往往稱難也尚寶北
山李君賦博雅之才稟淵朗之識居官暇豫制

作聿精傳布藝苑倍增紙價邇者以擬衣樂府
一冊寄自都下受而讀之質而不俚績而不黠
春容含蓄直追漢魏有一唱三嘆之風言志依
末之意猗與休哉今

天子制禮作樂懋建中和北山職司

禁近仰贊謨謀以昭干羽之麻以臻率舞之治
夔不得專美於前矣僕也衰朽草澤不足以掄
揚

國家之盛若夫歌咏太平如古康衢擊壤之流

則不敢固遜也未審北山以爲然否
嘉靖己夫中秋日鹿穀原山人蘇祐序

東岱山房詩錄序

自予釋負從學士譚詩已厭薄李杜喜初唐一二
扶奇之士不已則効齊梁諸人語補綴湊泊
性靈豐蔀譬諸割錦不可衣塗澤朱鉛形狀離
焉蓋詩至此弊矣而棟文者憂之祛刷炫冶崇
冲淡直吐胸臆懲吹之過又至捐景遺物率易
直截之温厚之旨夫詩有六義感物而興其感
非外其興非内情由物觸物以情融綜盪萬有
包并三才以言以諷而後爲詩之教若夫語心

措性則文焉爾而烏取於詩於以救弊而不變其流之弊至斯也予所睹記三十年之間蓋如此山東李伯承先生長予一歲睹記與予同獨不受變於習守先民之訓今讀其詩情物互縈文質有所底匪羈而止匪迫而流詞林一巨槓也古人言無足而至物之籍隨踵而立士之薄若君者豈不賢乎哉

嘉靖戊午上元日萬安朱衡譔

擬古樂府序

古樂府之不講久矣或曰難解或曰雖解亦不文往往弘詞之士開卷厭之余惟鼓吹饒歌聲牙刺齷誠不可讀太史公作樂書亦不載而左克明復以楚之平附之惑滋甚焉彼好竒者曲解以求通尤非也他如陌上桑羽林郎相逢獨漉等篇昭明顯擲不採誤矣夫天球寡諧古鼎難售醴酒易醒大羹不和是豈可以言語爭哉至王元長沈休文自許能工古人律呂今觀其

文牽制附會辭艱旨漓其實大謬善哉鍾嶸曰
文製本須諷誦不可蹇礙但清濁流通脣脰調
利亦足矣余亦謂詩言志凡貴古人詞之難易
而故效尤掠羨皆啜精蕪者也故曰神解玄悟
存乎其人余非知音者但自家食時頗事漢魏
張本下逮六朝盛唐數子或假題命意或採旨
屬詞諸凡口不容言情不自達者托以瀉之非
故剽擬前人聊用適志耳矣近代名公取古人
行事注議糾韻類成斷案亦名樂府余極知不

能乃所願姑舍是焉

嘉靖丁巳秋日濮陽李先芳序

擬古樂府序終

擬古樂府卷上目錄

鼓吹饒歌九首

朱鷺

戰城南

巫山高

雉子班

思悲翁

橫吹曲

折楊柳

艾如張

君馬黃

有所思

臨高臺

紫騮馬歌

幽州馬客吟歌

東武吟

壯遊篇

掛劍臺行

江南曲

烏生八九子

陌上桑

鰓組篇

短歌行

猛虎行

君子行

燕歌行

塘上行

秋上行

東門行

上東門行

野田黃雀行

牆上難為趨

吳南吟

去橋南

子夜歌

碧玉歌

小石山

估客樂

採桑度

採桑歌

採桑歌

三

塞

二

三

二

烏夜啼

莫愁樂

作

採桑歌

舞曲

白紵歌

琴曲

箏子

荆歌

雜曲歌

出自荆歌

直進

常

倚

行

閻闔篇

東飛伯勞歌

自君之出矣

枯魚過河泣

大道曲

邯鄲行

獨處愁

樹中草

楚妃嘆

結客少年場行

空城雀

長干曲

咄咄歌

獨不見

夜夜行

蘇小小

三良詩

魚戲蓮葉間

田家娶婦詞

漢宮詞

明妃曲

擬古樂府卷下目錄

古從軍行

塞下曲

俠士篇

長安道

湘妃怨

胡無人行

臨江王節士歌

庭中有奇樹

回鑿曲

劉生

煌煌京洛行

長信宮詞

沐浴子

宮中樂

日苦短

邯鄲才人嫁爲厮養卒婦

古行路難

瑞雪篇

壯士篇

齟齬行

江南四時歌

君不見

涿鹿行

遊子篇

新婦詞

妾如井中蘭

出門行

易水歌

古君子行

撫劍篇

公無渡河

秦女卷衣

臨淮水

獨漉篇

義士篇

春江曲

捉搦歌

江南謠

妾換馬

徐沛謠

禽言

姑惡

行不得哥哥

泥滑滑

播穀

阿得脂

乘扈

唐調曲

從軍行

關山月

出塞

紫駟馬

王明君

羽林郎

俠士

銅雀妓

錦石搗流黃

春江花月夜

春閨詞

城上烏童謠

宮人入道

諺語十六首

東岱山房詩錄

古樂府上卷

鼓吹饒歌九首

朱鷺

歌朱鷺考諫鼓帝作歌諫者舞豈無烏鷺食茄
下斂翮脩脩悲鳴于野朱鷺振黃扉鳳凰覽清
輝朱鷺高飛諫者逆歸

艾如張

艾而張羅山之阿山出黃鵠摩天飛羅家焉得

四海圖不見牆上烏尾畢逋自投羅以待鋪羽
毛不惜噫嘻嗚呼

戰城南

戰城南死城關丈八蛇矛皎如雪八尺驍驄日
流血七日不食臣力竭臣力竭罪當死願爲胡
颺歎沙礫掣風雨以報漢天子

君馬黃

君馬黃臣馬駮君馬出天閑臣馬常羈束不厭
風霜苦恐負千里足感彼黃澤謠爲君日歎玉

伯樂不常生哀鳴空躑躅

巫山高

巫山高高不極神女來遊江水急順風翔翔見
頰色願在雲霄常比翼暮雨朝雲胡可得

有所思

有所思兮若天辟歧予望之爾不遠華容如月
不可攀望三井中那能見欲報瓊瑤爲君好情
莫致之心懊惱永夜裳衣坐顛倒

雉子班

斝子班班鳴山梁間五步一飲啄十步一周旋
不棲桂之樹不食盤中餐翡翠巢炎洲人挾
彈求白鹿在山林射工相見尋鯉魚伏深淵釣
者有芳荃猛虎夾路牙片步走狗曳尾良弓藏

臨高臺

臨高臺高臺多風日霜露下有江水湯湯以注
回首一望江水深我欲下臺愁我心黃鵠高飛
不可馴

思悲翁

思悲翁歌薤露松柏青青白楊暮平蕪落日走
寒兔梟毋營巢飛上樹慈烏逝安歸哀哀淚如

注

橫吹曲

折楊柳

折楊柳楊柳心莫展懷人室是遠折楊柳楊
柳可藏烏懷人在上都楊柳何翩翩關黃
鳥言懷人逝未還憂來無方樹有枝我無斧柯

空爾爲

紫騮馬歌

從軍十載前騮馬逐風旋從軍十載後騮馬立
骨瘦儀象不出門騏驎在天廡

幽州馬客吟歌

巧婦不自織良馬常苦瘦燕趙多才人老矣墮
人後

幽州朔氣早淒清時暮矣市門行歌者求爲知
已死

驄馬鉄鉉鋒長鳴大道周末効風霜力空悲

三流

杞和曲

江南曲

妾本江北女嫁作江南婦良人重行商蘭房夜
空守豈無嬾婉情塵埃日奔走十年不復家雙
鯉爲誰剖蓬首望江北秋風斷衰柳

烏生八九子

城上烏鳴嗚嗚雌雄不別何其自呼影翩翩尾
畢逋懷故枝抱乳雛烏方雛惟返哺忽奮飛不

知所生八九子誰念其母

陌上桑

與子結新婚衷情何婉婉
以變採桑南陌頭紅堪一何
手可爲絢燕趙多佳人使

鰕鮒篇

井緞難

守一枝鴟鴞

四溟晨起撫長劍天方初發劍聞有五壘子鳴

井陘捩鬚東北望遊鱗走二庭槎矢名忘

歸駿馬如流星結束何煜爚杖策謁承明排雲
斗閭闔誓死効無生生當暴瘡瘕死垂麟閣名

短歌行

歲月如馳人生如寄命之多艱徒憂何益

驟雨靡朝迅風靡夕蜉蝣之羽朝生暮息

甘食者噎趨行者蹶月生雖微理無常缺

雖無旨酒嘉殽既飲且食平慎自愛其樂無極

解四

猛虎行

猛虎何班班
嚙人城下過
與汝本無嫌
所值在
饑餓東社閉
門西社哭
山中之人食
虎肉

君子行

手可迎刃君莫前
口若懸河君莫言
麝噬其膺
草焚以蘭金中有魚
莫忘筌
千仞之雀莫輕彈
猛虎欲啞人
不論豪與賢
嫌疑嬰禍羅
君子防未然

燕歌行

燕山九月塞草黃
北風烈烈鳴枯桑
胡笳啾啾

夜未央
念君行役在沙場
思歸不歸毛髮蒼
期門健兒皆少郎
小婦鳴箏不下堂
爾獨何爲守邊疆
使妾哀哀怨空房
有無曾寄寒衣裳
腰帶應緩幾許長
豈無鳴琴寫寸腸
絃急指澁增悲傷
明月皎皎照流黃
恍如紫砧還故鄉
攬衣出門起
傍徨鴻鴈南歸天雨霜

塘上行

終朝採紅蓮
不如採青蒲
謬將面自許
搖落不須臾

秋胡行

良人從薄宦遠遊寄他鄉三月爲君婦五載守
空房織紉侍舅姑南陌行採桑持金者誰子栖
栖要路旁婦人力清閨男兒志四方官家如雉
鳴夫婿如龍驤烏烏本同色葉葉自相當猛虎
豈不飢不在穴中傷鳳凰雖離群衆鳥難匹雙
曠夫豈無懷自有鴛與鴦手携青絲籠行行赴
門途望見遊子顏始知懷金是秋胡富貴氣體
變沉憂容顏殊持金不遺母乃誘桑間姝矢心

祗擬奉君子仰面不忍見金夫毀我瑋瑁簪裂
我錦襪能絕我連理帶解我合歡襦撤我斗帳
雙流蘇應手縑絲絲可染沂水泠泠不可汚

東門行

出門逢故歡歸家貧亦安富貴豈不好如彼滄
浪天解

豫章生七年深林人不曉大才當晚成莫羨朝

華草解

二

藥更本自苦食蔗不知甘君子守固窮富貴非

所食三解

舖糜莫苦飢衣葛莫苦寒遵養安時晦爲君歌

考槃四解

上東門行

步出上東門車馬闐重關貧賤日奔走富貴益
不閑風塵四面會徒摧遊子顏高樓十二重寶
帳紛羅綺金張讌中貴平陽創新里歌鍾度落
梅車塵暗投李春吹生涼颺堂上忽荆杞青門
吊鄼侯黃犬憶東市明哲慎自保榮耀焉足紀

東武吟

新買五尺劍一日三發劔太平無一事空銷劍

上星一解

平生萬人敵衆中耿自許諸將盡封侯一咲寂

語二解

起梳頭白髮何柳柳壯心逐水流撫景坐

看首三解

壯遊篇

貂璫承世業肉食無遠謀腐儒守章句皓首甘

林丘國仇諒未報壯士爲漢羞把劍激易水
急風颼颼聽我當筵歌壯遊疇昔學軍旅獻策
赴神州 君王蒙召見賜食銅龍樓掉臂顧單
于長揖謝穰侯腰懸金僕姑髮指鐵叟蹇躍馬
度隴山翻身射旄頭東擊遼海水西斷黃河流
功成拂衣去遙泛五湖舟

掛劍臺行

口諾不如心諾深徐君之意季子心壯遊未畢
若死寶劍匣中悲知己掛汝墳頭高樹枝

論地下知未知

去婦詞

少小結髮事君子俛屣隨時任驅使君如玉樹
生清風妾如萍浮寄秋水小姑無端造孽多遂
令蘭芝被譴訶良人對面隔山海出門一望淚
滂沱芙蓉本是同根生願君莫學焦仲卿年年
牛女常相見何懼風波日夜驚把鏡照面轉自
憐他人不喜空少年欲摧蛾眉毀朱顏萬一人
事如轉環

塞上行

若庸直北望列鎮亭茅土轅門畫飛霜猛將集
如虎日者小單于牧馬窺天府不聞霍冠軍但
見黑山虜酋登山第盡甲士身無縷白骨積如
丘黃蒿斷賊壁不七邊城望誰知邊塞苦

田家要詞

油磔博委巷新婦初入門村鼓紛闐園濁酒亦
盈尊舉酒酌田祖長跪何所言但願新婦健不
願新婦艷婦健姑不勞婦艷子心亂

野田黃雀行

鷓子捕黃雀黃雀投叢棘鷓子繞棘飛且號黃
雀棘中語唧唧爲我謂鷓子且莫號我盜田間
糠與粃汝盜民間脂與膏大鴝摩天飛誰能爲
子逃

墻上難爲趨

誰爲天高有梯可躋誰謂天遠有風可噓管矢
不如巧奔刺繡不如倚市門吾豈匏瓜艱哉
守株嗟嗟墻上難爲趨

梁甫吟

陟彼梁甫山巖哉何崩施五步一眄睇十步一
徙倚北風踈野草陰崖泣山鬼樹木何蕭蕭尚
塚鬱鬱纒不知此何鄉言是蕩陰里白骨無賢
愚誰爲齊三士感此泉下人慟悵不能已

玉階怨

蟋蟀鳴玉階梧桐落金井絀扇本生涼錯恨秋
風冷

清商曲

子夜歌四首

與子結同心那能復顧慮耳後大秦珠輕拋月
下去

歡如水上蓮儂似泥中藕寄語採蓮人曾問泥

中否

青絲綠白紵不比黃烝屐把以似阿歡步步見
儂意

問歡何處來歡醉不復說扶歡解衣帶心促帶

翻結

子夜四時歌

春風吹羅襦羅襦自結束阿歡靜不來寒更坐
明燭

素手剪春羅製爲荷葉扇上繡連理花下刺雙
飛燕

鴈驚烏尾訛天風河漢落阿歡且寘眠曉霜殊
作惡

寒夜掩閨闈睡熟燭已滅扣門聲不揚冰膠鴉
頭襪

碧玉歌

臂勝憎不語寒暄妾自知秋風吹落葉莫忘破
瓜時

桃葉歌

春風拂桃樹桃葉柔無力榮華難久持佳人厭
粧飾

桃葉何萋萋春去夏如此了不爲顏色愛渠護
桃子

小姑曲

阿婆憐妾孤相命小姑寢本非連理枝幽獨慰
衾枕夜半夢夫婿握手相歡呼歡呼忽失聲床
頭驚小姑小姑莫驚疑枯桑原自知

清溪小姑曲

余過清源聞居人歌謠其事甚別佳
仲卿作數篇成一篇云夫婿如負及
時而暮夜相
奔固有自矣

高高山上松下有古廟堂誰家姑與嫂跌拜山
神旁嫂言兒女稀姑願羨少郎少郎在何許乃
城東庄東庄有王婆持斧來求凰少郎甚姻

鄰門戶尤相當小姑啓阿母慎勿言相妨箕箒
候庭除中饋羅酒漿赤繩繫雙臂笄字從伊行
二月河水泮桃李正芬芳小姑見桃李淚下沾
羅裳少郎見桃李但願早成雙王婆白阿母女
大難久藏舅願成家室女願事姑璋小姑聞言
喜窓下促衣裝南市買珠綴北市易羅裳東市
裁錦被西市治匾床枕刺連理枝鞵繡雙鴛鴦
流蘇複斗帳五鳳啣香囊裝束何熠燿鬱金蘇
合香小姑命王婆行行請少郎可擇上吉日過

門入蘭房近者三五日遠則半月強艷能鋪堂
下華燈明兩廂青白繫雙尊合盞坐相嘗郎言
豈不顧荒歲難鋪張厨中無所有何以侑客觴
腹中無所有竹竿空自長自禦冬天風知
枯桑親識豈無人興言自傷持此謝小姑羨
言信難忘恨不生羽翼如鳥雙飛翔小姑聽此
言撫枕結愁腸微言動阿母婚禮難比方爺娘
許相配貧富隨時光阿母叱小姑小女何張狂
詳詳延會懿親未辦牛與羊綵幣三五緡無復玄

與黃黃金光首飾珠玉珮琳瑯種種無所有百
者一不償生女望門楣嫁女圖風光未爲他家
嫁何爲他家忙小姑喚王婆爺娘實不良我有
錦繡段五色何光芒我有金錯刀可值百千疆
遺此爲聘資努力謝少郎少郎受此物中心轉
傍惶惶勉整禮儀割賣祖田庄賣田娶少婦事
喜心悲傷造門候阿母納幣來相望長跪無所
言但云歲時荒探知彼來意覽物得其詳阿母
叱小姑栽樹圖陰京家門何不幸養女生他腸

篝燈不自照家寇殊難防所納不爲禮將郎還
故鄉小姑泣且言王婆諭少郎舅長不由爺女
大不由娘將心比山水山高水復長東山一何
高行者有虎狼江湖豈不廣來往多舟航不駕
油壁車焉得窈窕娘家東有通衢背簷缺垣墻
乘夜乞相候相候大道旁黃昏掩雙扉爺娘上
高堂檢我新粧衣發吾故所藏錦袂裘同心踰
垣投少郎明月照東除衆星尚縱橫携手策輕
車牽牛以服箱望門迓新婦隣里相扶將滅燭

解羅襦歡樂殊未央

莫愁樂

廬家少婦名莫愁嬌歌艷舞春風柔湘東嚮醪
宜城醪纖手倒注金叵羅主人且進酒聽我莫
愁歌聖人出四時和三年海水不揚波仲秋司
農獻嘉禾中厨有酒旨且多明月在天橫星河
宴笑滿堂華燈羅佳人難再得少壯能幾何

烏夜啼

樹頭烏夜啼會歡烏栖處可待烏飛來莫待烏

飛去

估客樂

估客乘大舫江頭夜不發酒肆喚胡姬船上醉
明月

雕盤膾雙鯉菱笋白如玉郎歌水調聲妾唱當

爐曲

估客何所有合浦採明珠開絨贈雙琲牢繫錦
羅襦

五兩密如林長江駛如箭何日泛歸潮妾家楊

柳岸

青樓曲

妾本青樓女千金買寸心郎家自有婦夜夜白
頭吟 郎乘白鼻騮搖鞭指妾家因尋桃葉渡
隔水見桃花

作蠶絲

繰車簷下鳴新絲應手出中央不斷頭是妾纏

綿意

採桑度

餒蠶行採桑感郎獨伴妾遠條勿伐盡春風復
生葉

采蓮曲

郎駕採蓮舟儂唱採蓮曲水上雙鴛鴦花間交
頸宿

採蓮復採蓮蓮在水中展儂意欲褰裳問君水
深淺

採蓮復採蓮蓮葉覆池水下有並蒂花中抱雙
蓮子

採菱歌

菱葉翠如鈿菱花清可憐採菱江上女蕩漾木

蘭舡

舞曲

白紵歌

奉君以葡萄之酒鬱金香歌白紵舞霓裳質如
素雲揚清光燠以鷄舌雜都梁輕袖高舉觸鳴
璫步趨微吟中羽商翩翩白鷗雙回翔皎皎初
日生扶桑况茲良夜春正長清時未遇其何傷

泰山可摧海可量人苦不足思無疆隨時平慎
樂無方金蘭義氣傾滿堂促樽合坐殊未央勸
君酒聽儂歌賦月修如飛電過樂日常少夢時
多適今不飲君死何

琴山

箕子操

嗟嗟汝造象箸舜造漆器止之則爲有虞不
則爲獨夫意欲歎殷社之丘墟

猗蘭操

猗猗者蘭施于中谷人之莫知德馨自淑一
猗猗者蘭施于中洲德馨自我云誰之尤二
猗猗者蘭施于中堂君子采之至治馨香三
于以紉之君子之裳于以藏之君子之囊防乎
其防何用不臧四

荆軻歌

荆卿重然諾任俠豈輕生片言傾滿座一字直
連城酣歌別易水擊筑入秦京知已殊未報千
年恨未平

雜曲歌

出自薊北門行

出自薊北門車馬何翩翩問君此何行言赴廣
陽川盤山勢巖嶭盧龍高際天溱江夜未央沂
水鳴濺濺城郭如鱗次單于候寇邊天王按劍
怒受脰夜登壇犒士烹肥牛一日八九宣軍門
盛貌貅人馬皆騰歡流嘶起轟雷積甲成林礮
將軍獵漁陽烽火照燕然一舉靖廣武再舉上
邾連西眈定遼右長驅擒左賢拓地數千里斬

首填桑乾凱歌震溟海烟火徹井泉獻殍捷於
飛陳賞如丘山回車北平路翹首望長安宮闕
鬱雲浮佳氣滿中原

妾薄命

貞女擇良配君子重內儀桃葉照溪水女蘿附
兔絲二月河水泮感妾標梅時寒修不我顧馳
情遺阿誰婚媾一失所薄命將焉歸越鳥羈樊
籠夜夜懷南枝願從黃鵠翼四海托襟期

車遙遙

膏車何草草，遙遙萬里道。遠道莫致思，倚輪望
見之。隻輪不可行，去客難爲情。駕車策馬輪已
遠，腸中車輪載君返。

胡姬年十五

胡姬十五鬢金香，遠嫁江南遊冶郎。海門一望
江路長，蘭陵羨酒玉爲漿。不如飲水還故鄉。

當壚曲

使車班班雨雪寒，天秣馬商林。沽酒河間當壚
女兒工，數錢篝燈獨立影。翩躚前爲人所羨，後

爲人所憐

遠遊篇

天地何寥濶，大化開元樞。渺然此中處，燕雀同
歡虞。我將駕雙蚪，言赴泰山隅。高高上無極，矯
矯凌紫虛。振衣日觀峯，濯纓玉女池。兩曜爲吾
鏡，東海爲吾盂。手把白虎符，往探青龍居。悠然
理巾帶，河岳縱橫舒。

我行謁東父，一舉超神州。蓬萊本吾宅，崑崙乃
舊遊。飄風鼓長翮，萬里馳雙眸。下見世間人，如

蚊聚糟丘弭駕石閭間潛光謝沉浮晨以吸朝
日夜以食瓊羞壽同金石固永老無所憂

閭闔篇

漢京鬱嵒峩複道直如髮樓觀薄太清飛甍懸
日月玉樹夾廣庭金莖挂雙闕仙人騎白鶴待
詔金門側手持一丸藥燦爛光五色稽首獻
天子永壽樂無極

結客少年場行

生小善騎射結交幽并兒寶刀明月環驄馬黃

金羈出入新豐陌佐使邯鄲姬沽酒十千錢
樗蒲百萬資橫行長安道平視羽林騎羗胡寇上
谷軍中誰出師城郭半燒燔白骨相枕歎國讐
尚未報丈夫空爾爲金臺不復作流涕燕昭祠

東飛伯勞歌

伯勞東飛飛不息隣家女兒當戶織春蠶已老
飛桑蛾機上綺羅花色多挫蘖染絲素可黃織
手理之心煩傷明月皎皎流夜光朱顏發艷桃
李芳胡不早嫁東家王

空城雀

空城雀止且飛禾莢豸離離長嘴飽短嘴飢
相爭剥啄無停時田家張羅知未知一朝入羅
悔可追

自君之出矣

自君之出矣使我長飢渴糟糠不下堂遊子在
天末

自君之出矣少婦爲人姑思君不知老恐君生
別圖

以石投井中一去無歸計日月東西生晝夜見
儂意

長干曲

郎家朱雀橋妾住長千里蕩漾木蘭桡出入秦
淮水日日逐風波相逢結女蘿誰言潮有信當
面隔明河

枯魚過河泣

大魚食小魚小魚食蝦枯魚過河泣且嗟爲我
謂魴鱖莫輕渡河縱不畏風波不畏網羅

咄咄歌

即棗下何纂纂

棗下何纂纂纂纂復垂垂棗熟下成蹊棗盡上
枯枝枯枝摧爲薪君子慎交親

大道曲

長安春二月南陌踏青芽不知誰家子妖閑映
朝霞三三兩兩俱紛如瓊樹華日暮相扶將綺
羅闌狹邪

獨不見

瓜期負早春春盡花如霰歲豨連理枝團圞合

歡扇啞啞城上烏隊隊梁間燕日暮行雲歸懷
人獨不見

邯鄲行

妾家洪波岸歡遊叢臺西相逢桃樹下女蘿結
兔絲歡愛桃花面妾賦桃葉詩駕言誓山海中
心不復疑片語不相入風波起當時誰云相去
近對面千里睽一夕歡笑桃疆柳亦衰豈無
嬾婉情如以石激水容華莫遽殘君心倘能悔

夜夜曲

斗帳錦羅襦流蘇垂四壁夜夜醉歸來鼾眠橫
枕席

獨處愁

君如天上日薄暮忽相失君如天上月四五蟾
兔缺思君晝夜得團圓天邊日月常雙懸寄言
遊冶郎閨中春事長

蘇小小

油壁七香車去去宿誰家西陵大道旁少年驄
馬郎

樹中草

枯樹生旅草旅草依樹不沾霜猛虎棲深山頽
得山中草木長大樹自有陰寸草自有心如何
連理枝富貴忘我為

三良詩

殉葬古未有駢死竟何益身沒遺哲人可以輔
家室結髮事人主誓歆同憂戚臨穴一盟訣天
地有終極亦知祗徒死王言不可食道重身乃
輕義存情靡及百身難相贖萬夫永為特

楚妃嘆

楚澤田獵歸王問爾何笑妾亦無所嘆妾亦無
所笑山禽不登俎犧象守清廟賢乎震丘子置
身秉機要荐者多故歡好爵從所好袞衣匪一
絲台衛豈獨照四岳揚側陋玄德乃升耀周公
日吐哺白雉來遠徼矯矯公孫敖海濱但坐嘯

魚戲蓮葉間

魚戲蓮葉間葉葉何田田田田覆池水鵝鷓空
自憐魚戲蓮葉東初日射波紅魚戲蓮葉西斜

光照綠溪魚戲蓮葉南薰風搖碧潭魚戲蓮葉
北寒流深不測採蓮莫採葉蕩漾木蘭楫爲抱
雙蓮子慙慙念孤妾

漢宮詞

內庭千樹花開落無人見昨日進良家又下昭
陽殿

潯水平如鏡徘徊散愁心貪照可憐影誤墮黃
金簪

手持五色線夜繡連理枝刺到鴛鴦頸停針有

所思

紫駭生青苔是妾雙
淚滴秋風吹長門
一夜忽如積

明妃曲

彈來塞上曲本是漢宮詞
胡女無華色蛾眉

東岱山房詩錄卷上終

東岱山房詩錄

古樂府卷下

古從軍行

胡騎犯長安飲恨別妻子
撫劍出函門誓不顧
生死提兵孤城下四壁盡胡壘
天子方召見背城決一戰
單于夜遯逃奏凱未央殿

塞下曲四首

胡馬嘶中原太行生邊色
甲士赴戎機
君王正盱食矯矯葵藿士
誓歆死城北利劍不

在掌殺身竟何益

匈奴屢犯塞漢營方犒師鼓吹寒沙漠飛旌暗
四垂刻日白龍戰乘夜青海窺將軍正宴飲惱
殺幽并兒

轅門紀軍功百金購一首邊城刈如麻誰復問
丁口胡來倏如風胡去疾如電跨馬出沙塲沙
塲何清宴

匈奴斥邊喉婦女半驅虜文姬抱胡雛帳下多
語復聞邊城將今年納鮮卑羽翼年年壯君

聽阿得賄

俠士篇

良家產六郡結束事邊庭一旦平胡盡罷歸守
故營刈葵愧長刀豈免悲干城擗髮急弦裂
毗如曙星百金笑一擲五斗初解醒探丸藐縣
吏然諾輕死生俛首恭鷄豚矢心厭葵藿嘗恐
勦力弛響弓射林雀

長安道

長安門闕東朝廊千間厦馬鳴玉河上水流玉

河下

長安門闕西雙塔青雲齊冠蓋鬱相望西山接
御堤

湘妃怨

蒼梧暮靄深湘江春水綠千秋懷帝子遺恨斑
斑竹

胡無人行

黃河出塞日夜流燕山胡騎聲啾啾漁陽老將
推車輪東制居延西控秦健兒百萬如雲屯躡

馬長城時極望胡無人

臨江王節士歌

秋夜落江楓江波日夜東明月照江浦壯士泣
秋風晨起撫長劍劍鳴深鞘中龍蛇鱗甲俱相
似誰能辨我是雌雄

庭中有奇樹

庭中種奇樹灌溉何辛苦相期結花時與郎同
摘取一夜花開郎未歸春風搖樹紅芳稀攀條
飲恨淚沾衣

回鑿曲戊戌在成均作時
駕幸天壽山

西京重原廟東都薦上辛豈如食舉後歆此上
陵晨相風駕天駟雨師清道塵司馭貂蟬冠材
官鷄鷄巾尚衣隨豹尾行漏代鷄人天行飛華
盖斗轉扈鉤陳止輦居庸道歌風灑水津行宮
三十六駐蹕皆陽春橋陵何盤鬱蛟龍起嶙峋
寢園薦櫻桃鼎湖採青蘋鳴鍾犒衛士按劍撫
邊臣回鑿幸甘泉刻石垂瑤珉樂奏上之回賦
獻協吉辰

劉生

談兵羞燕頰負氣捋虬鬚朝彈上林雀夜宿酒
家胡片言傾五嶽千金直一盧撫劍平津里醉
罵執金吾

煌煌京洛行

名都信佳麗九陌四時春地勢交風雨天符產
鳳麟娥娥秦氏女爍爍霍家親燕市行歌晚胡
姬勸酒頻道旁避馬客坊下鬪雞人狹邪連複
道甲第入平津綠雲承繡桶珠簾拂玉塵日暮

青煙合歌鍾徹四隣

長信宮詞

我本大家女克選入深宮早被君王寵承恩玉
殿中耳以聽鳴鷄身可當來熊豈期飛鷺至掌
上迴春風妾非歌舞伎焉能久相容空製齊統
扇歎獻羞雷同含妻無所訴飲泣向丹楓

沐浴子

沐以蘭芳浴以蕙爾爲馨香誰作穢不見汎汎
浮萍草隨波上下流潔身以終老

宮中樂

初日照綺疏御柳啼鶯早美人褰珠箔相期闕
百草

春宮樂事多夜遊不知倦明星耀東厨隨例昭
陽殿

三十六宮裏妍粧迎翠華鳳輦乘春下天行到
那家

御柳蟬初雪沉香晚自憑五月涼如水休頌露
井水

宮中秋夜長明月多情者初景照屋梁旋復來
床下

雪積風蕭蕭深宮夜寂寥御帳春如海鞦韆米
正膠

日苦短

日苦短夜苦長華燈羨酒宴高堂菓箴羅薦充
員方豈不愛惜費所藏人生歲月如電光少年
行樂事了了眼中人風塵一以別如隔雲漢津
誰知此別苦存亡難具陳落葉隨風颺後會當

信辰故舊三益遠交者非所親杯中有知己足
意百三身

才人嫁爲厮養卒婦

甲軍有才子人嫁之厮養卒卒家得婦喜結我青
絲髮紫步錦羅襪祥芳妾風職情知非每匹悲
夜成日月昔爲妾用鏡今爲水上符風波一失
所其燐信難越青蠅張良璧明珠委泥爲心折
邯鄲城目極叢臺望三度望鄉邑川途聞燕粵
盈盈臺上女娥娥死起忽不曾處下流安知問

消歇

十一
路難

堯之二女謂舜一久孔門三黜周公無視大毛
求疵聖賢不任文無妨媿悅三
蘭宦不知在夢目守靡不
白龍御珠來報漁夫為我
天衢胡爾拘拘如飭
虞
折花插瓶一日可枯剪花插瓶閱歲如初玉

蠟戟光耀射人羊質虎皮誰辨僞真

夷齊扣馬仲尼執鞭七聖皆迷大道茫然一日

千里終當一還

磁石吸鐵純金不舉芳餌釣魚神龍不取星有

何情好風好雨倬彼北辰塊焉中處

瑞雪篇癸丑元日作

南宮宮中雷大鼓漢官臺下盡伏俯日食雲中

望不見天子素服未央殿誰言日食忌三朝翻

然瑞雪凌寒飄轉災為祥天意厚 皇帝陛下

萬萬壽

壯士篇

壯士輕白刃願乞一言死義氣生慨慷遑顧妻
與子 內手不寒執手可熱衆人諾諾壯士喋
喋 寧料虎鬚莫觸龍鱗猛虎可縛龍性難馴
肯繫不中雖勞何施智哉庖丁善刀而藏之

齟齬行在江上作

齟齬齟齬所如伊阻山溪毒淫不逞寧處一宵
行必燭晝行必戈山有猛虎不辯誰何二慢燕

誨盜良賈若虛人皆聖賢而我獨愚三 鑊鉞出
鞘利在一決不如還鞘以防其缺四 漁於山獵
於淵終日不獲乃網罟之愆五

江南四時歌

初陽正二月江南桃李時蘭若交翡翠畫舫喚

鷓鴣

畦水流沃沃稻田齊以綠烟雨數家村五月春

新穀

月夜芙蓉爛霜時橘柚甘家家種桂樹秋色遍

江南

江南少夜晴坐此深冬月高齋蟪蛄聲不解芳
時歇

君不見

君不見水中魚中我以芳餌厝我于靈沼投之
以金粒覆之以玉藻此中恩怨不分明欲報明
珠爲誰好又不見青青山上苗忽爲堂下草結
根苟不堅不如山上老山風吹草草離離猛虎
不棲惡木枝莫逐樵夫山上去山中歸路幾人

知

涿鹿行

西望涿鹿鬱何盤盤胡爲滯滯我馬不前獨
坐空庭澹然何爲白日西下惆悵思歸長安
狹邪車馬相投周道如底君子夷猶我歌且謠
于以解憂

新婦詞

在縣作

黃鵠西南飛十里一回顧妾本邯鄲女嫁作臨
江婦十三扣錦字十四織紈素十五鳴絲弦十

六通辭賦生小不出門見人頗羞惡磁石吸長
針牽纏安得住悠悠涉江水綿綿卽長路行行
見里居邈勉啓生聚况值丁力微夫婿多惶懼
內顧無贏餘應門寡親故府胥經過門催租權
水務略湏再拜迎烹鷄待之去豈不誠報顏家
貧廢禮度入厨理晨炊炎方汗如注素衣化爲
緇織手點垢污匣中芙蓉帶開緘不忍覩綵袖
雙鴛鴦網絲成布渡豈無金石聲朱絃空在御
昔爲掌中珠今爲華上露但免翁姑嗔悲辛敢

言訴潯水不通潮淮陽多枳樹江葦不可航
跼予日延佇阿母知我情應悔誤生女阿父知我
情捫胃怨媒姥有懷難具陳涕泣淚如雨

遊子篇

朝出門朝不歸暮出門暮不歸嘆息三年遊子
衣亦知江南隔江北歆不出門那可得

出門行

出門復入門握手語唧唧遙爲千里別所囑事
非一日暮送者歸但云苦未悉江介起北風爲

寄寒潭橘

妾如井中蘭

妾如井中蘭君如天上月願君廣末光照妾于

幽窟

妾如井中蘭君如天上月圓缺豈無時馨香終
不滅

古君子行

青蓮出水水不染鰕魚蟠泥泥汚眼鯨鯢吞舟
虎啞人山高水深吾閉門長安美酒斗十千欲

飲不飲空自憐衆人皆醉誰獨醒清齋松下花
冥冥

易水歌

漸離擊筑荆卿作歌易水湯湯揚白波太子不
知有秦知有軻怒髮指天如秦何殿下七首光
陸離丈夫寧爲郊特牲不爲曳尾龜群龍無首
祖龍走天地爲我皆震吼勿謂荆卿爲燕劍術
踈六國胥淪亡疇能鞭撻祖龍遶殿呼烏烏

公無渡河

我聞黃河活活日夜流上天下地無時休洪波
噴箭誰敢渡何用九曲蟠如鉤翻江倒海摧山
岳却向溝渠間清濁達人駕浪泥中行愚人束
手俟河清臨流感歎何時平障流感歎何時平
撫劍出門爾何去河水無梁虎攔路周周啣羽
魚比目孤雲在天白日暮雜縣風煖日爲災天
吳高浪駕蓬萊野狐跳梁城狐哀嗟爾胡爲平
來哉嗟爾胡爲平來哉

撫劍篇

臨淮水

臨淮水一年得一度何似牽牛渚淮水東流似
往年紅塵立馬聽潺湲空將華髮催遲暮江上
青山春可憐

秦女卷衣

秦女卷衣裳深宮夜未央尚衣青玉案侍寢黃
金堂複帳雙龍繞流蘇五鳳翔微風一以振合
殿裊天香

義士篇

濮千戶顧玘殺人法當處死除籍弟
瓚年十八以身自代慨然臨刑卒無
怨悔司獄者亦疑之而竟不免焉哀
哉事不見於郡志故持表而錄之俾
觀風者續有採焉

兄勿殺人兄竟殺人殺人抵罪兄自身祖功不
叙愁吾人兄弟之間何彼此我室未聘死可矣
不謀諸兄不告母手持銅鑄首官府大人莫疑
我何苦東園露井桃李芳蟲來齧桃李代殪年

年桃花開滿枝開花結子兄嫂當知之

獨漉篇

獨漉獨漉沾體塗足同涉泥中誰辨清濁
隼據高墻側目攫威豈無勢豈無勢施
泛泛浮萍得風曷那不知不知托
厠踰覆錦青蠅翩翩搖尾致趨何許奴軒
手持太阿莫以管人日三摩澤用防自身
猛虎雖慘志在一飽鄙夫無厭泰山爲小

捉搦歌

老女願適人含羞不歆語東鄰有曠夫爺娘不
輕許

春江曲

春鳥下前塘春帆帶夕陽春草隔江綠王孫空
斷腸

愛妾換馬

棄捐萬金體博此千里足飲恨割紅粧匈奴寇
上谷

蛾眉如棄屣駿骨享千金可憐薄命妾徒有散

江南謠

塞上有兵機江南科賦役連負動十年徵發在
今夕文移紛如雪府胥坐如棘良田委榛蕪子
女易金帛持金謝府胥所希聊喘息民訴一何
苦胥怒一何極我有千斤弩歆施不得力願爲
循良胡可得

徐沛謠癸丑作

呂梁水決黃河趨平原徐沛皆江湖父隴河子

備胡阿婆乘型婦荷鋤三月不雨麥枯稿丈夫
歸來寒餓孳

禽言

姑惡

東鄰生女西鄰婦阿婆見憐小姑妬三日入厨
理茶湯温涼不稱小姑怒養女閨中掌上珠
女出門花上露姑惡姑惡且停怒早晚亦是
家婦

行六馬三

誰謂一飛可衝天上有大羅誰能迎刃而直前
前有九河行不得哥哥

泥滑滑

水車之馬不能自前胡爲泥中乎周旋不行泥
中不知泥滑滑兩足飭力確不可拔

播穀

播穀播穀言告農夫五月芒種汗邪滿車司農
獻禾天下大酬

阿得脂

得過且過

平叶

天明壘窩一身不自保違恤其他

桑扈

勿折我桑折桑手指枯勿喫我椹喫椹黑皮膚

從軍行

巴下用唐調

六郡良家子五陵俠少年臂鷹臨朔塞立馬向
烽煙轉劍流星曙彎弓明月天匈奴寇上谷夜
半度祁連

關山月

旌旄秋出塞刀斗夜臨關沙上眠金鑲闥中損

玉顏胡天獵騎盡漢月陣雲間一夜相思遂三
軍衣盡班

出塞

半夜羽書下將軍出井陘伏兵倏逐甲轉戰撤
丁令策馬交河斷磨刀隴水腥如何寶車騎燕
然獨勒銘

紫驄馬

沙苑紫驄馬雕韉錦絡頭千金能一顧萬里爲
防秋跋跋胡塵下趁趲汗血流天閑十二種誰

解取封侯

王明君二首

蛾眉不可恃鴻翼竟難尋前殿更衣夕邊庭駐
馬心春悲胡地草秋憶漢宮砧縱使黃金賂其
如妬忌深

十年未奉函椒庭空綺羅當辭纔一顧承恩豈
在多詎知薄命妾能使漢邊和千古琵琶曲流
傳塞上歌

羽林郎

盈盈羽林子甲第青雲齊獨擁千人騎常隨八
駿蹄鬪鷄長揪卷躍馬章臺西歸去金張館鍾
歌夜月低

俠士

朝度黃雲塞夜臨明月關三杯賦羽獵一笑定
燕山飲馬長城窟射鴈青海灣功高不被賞彈
鋏夜漫漫

銅雀妓

君王棄屢綦妾命委遊絲歌舞春鶯盡樓臺銅

登悲西陵正芳草漳水日流澌千秋總帳在早
曉夢來時

錦石搗流黃

妾本青樓倡離居秋夜長銀環約雙素錦石搗
流黃獨鳥樓南樹明河掛北堂早知離別苦不
嫁冶遊郎

春江花月夜

春江水不波春花妬綺羅不掛輕帆去其如明
月何人煙浣沙女燈火採菱歌歸路明珠滿皎

人泣淚多

春閨詞

一自橐砧去春來信莫聞閨中泣明月天上妬
歸雲折花空在手織錦不成文肯學秋胡婦條
桑惹使君

宮人入道

解珮辭長樂飯心奉上清只疑秦弄玉相伴董
雙成不向前魚泣來攀獨鶴行夜深禮斗處猶
見小星明

城上烏童謠

城烏啣肉左顧右盼竊脂高飛食不下咽陸有
鯨鯢市有虎石上黃梁葉如土一朝緩急苦復
苦以錢爲埒金爲府丁男死邊姪女舞承卿堂
上日擊鼓

諺語十六首

緊呼茶慢炊火有客徐徐不待我
夜蟲求明或向燈或向火林中有雀其奈我
嚙菜蟲死菜中郭璞早去馬知無生靈龜不自

保何用知吉凶

主人勸酒客大怒本無惡意爾何負誰謂水清
石自見焉得女面猶吾面

你來我去誰先把鋸

方則穩圓則滾

飢莫食魚飽莫食糝坐莫垂堂趨莫臨池

手持金盃向人覓食孰失孰得

猪羊就縛磨刀霍霍衆口信然望門大嚼

口若懸河搖吻生棘榛不容見君子無知乃貴

人

人心苦不足飲河期滿腹并綆欲上天神龍困
魚服

多笑寡情多文寡誠妬婦若容以婦乘夫積愛
見凌

鶴入鷄群鷄不自安鶴亦難馴

有雨莫雨大海有肉莫入大庖來則太倉增一
粟去則九牛拔一毛

狐化爲人不勝自媚見犬則驚聞鷹則畏

兔走田中千人如沸一人得兔千人喪氣

東岱山房詩錄卷下

終

